



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Institutio Catholicæ Juventutis, Sacro Eucharistiæ Convivio decenter admovendæ**

**Chifflet, Laurent**

**Coloniae, 1653**

Præfatio. Ad Puerorum Catholicorum Parentes, Tutores, Magistros: de usu  
hujus Catechismi.

[urn:nbn:de:hbz:466:1-55213](https://nbn-resolving.org/urn:nbn:de:hbz:466:1-55213)



P R Æ F A T I O. 3

Ad Puerorum Catholicorum  
Parentes, Tutores, Magi-  
stros: de usu hujus Cate-  
chismi.

Christianorum Puerorum pii  
Parentes, quique Paren-  
tum loco estis, audite.

**D**ominus IESVS fra-  
terculos suos, baptis-  
mialibus aquis ablu-  
tos, cura vestra ac disci-  
plina credidit. Vestrum nunc mu-  
nus est, vestra partes, videre,  
quales ei, de ipsorum educatione  
severam rationem reposcenti, fi-  
lios, alumnos, discipulosque ve-  
stros reddituri atque oblaturi si-  
tis.

A. 2

Inter



#### 4 P R A E F A T I O.

Inter cetera autem non parum  
sustinetis officii, ut probè docean-  
tur, quâ ratione, quâve religione,  
ad tremenda Angelicis Potestati-  
bus divinissimi Sacramenti My-  
steria percipienda se componant.

Ego verò id nunc ago, ut vos  
sanctissimo isto in opere adiutem;  
iis, quæ Pueri prædiscent, in pau-  
ca, hoc est, in tria illa contra-  
hendis: quid ad huius Sacramenti  
usum credere, quid sperare, quid  
facere debeant. Erit prudentia  
vestra, pro vario illorum sive he-  
betiorum, sive acutiorum captu,  
institutionem hanc, satis per se  
facilem, temperare ac moderari.

Vnum tamen est quod moneam.  
de ætate, quâ iubent Ecclesiastica  
leges illos Sacra Mensæ admoveri.  
De quâ rigidum illud est impe-  
rium



P R A E F A T I O. 5

rium Sacro-Sancta Synodi Tri-  
dentina, disertis verbis ita con-  
ceptum, Sessione 13, Canone 9.  
Siquis negaverit omnes & sin-  
gulos Christi fideles utriusque  
sexus, cum ad annos discretio-  
nis pervenerint, teneri singulis  
annis, saltē in Paschate, ad  
communicandum, juxta prae-  
ceptum sanctae Matris Eccle-  
siae; anathema sit.

Illud autem Discretionis, seu  
rationis jam adulta tempus sa-  
pientes definiunt, quo Pueri bo-  
num honestum, seu rationis com-  
positi natura consentaneum, diju-  
dicare possunt, & à peccati, quod  
recta rationi semper adversatur,  
turpitudine discernere: unde Dis-  
cretionis à Discernendo factum no-  
men. Tunc enim poterunt pari-

A 3 ter



# 6 P R Æ T A T I O.

ter per fidei lumen, Sacrum hunc  
Cibum à profano satis commodè  
internoscere, & pro modulo suo  
revereri. Praesertim si, ut fieri so-  
let, postquam ratio ad recte & aequi  
notitiam evigilavit, unum aut  
duos adhuc annos sustineantur,  
dum mens ad tanti Sacramenti  
reverentiã amplius maturuerit.

Neque obstat quòd nonum aut  
decimum annum egressi nondum  
nuges abiecerint, sintque affines  
atque amantes jocorum, & oble-  
tationum, quas illa fert aetas.  
Non semper decent se vera Pueri.  
Sint sanè in ludicris hilares, dum  
in divinis compositi ac modesti.  
Nam & viri quoque avoca-  
menta curis, & seriis laxamen-  
ta interponunt utinam non sapi-  
puerilibus jocos probrosos!

Quid



P R Æ F A T I O. 7

Quid igitur illis in mentem  
venit, qui tanquam Tridentino  
Concilio intelligentiores, ad an-  
num usque tertium aut quartum  
supra decimum, Pueros à Divi-  
ni Panis comesturâ summovent,  
causati levitatem minoris ætatis,  
& prudentia immaturitatem?  
At profectò jam tum illi satis sa-  
piunt, ut desipiant. Hoc est dicere,  
satis iudicio valent, ut Parentes  
ac Magistros malitiâ suâ & pra-  
vis moribus inquietent; atq; adeò  
multa peccent graviter, quibus  
sempiternum sibi exitium con-  
sciscant.

Qua cum ita sint, quid, quaeso,  
illa meruit ætas, Christo vel cha-  
rissima, dicenti: Sinite parvulos  
venire ad me, talium est enim  
Regnum Cælorû; ut prius relin-  
quatur



### 3 P R A E F A T I O.

quatur nequitia possidenda, quam  
Christiana sanctitudini per Sa-  
cramenta oppigneretur? Quid ita,  
per summam injuriam, in re adeo  
gravi, & ad propulsandam pec-  
cati corruptelam opportunissimam.  
Pueri nunc suo jure fraudabun-  
tur; cum olim florentissimis Ec-  
clesia primitiva saeculis, etiam  
infantulis Eucharistia soleret im-  
pertiri?

Facessat itaque in posterum ini-  
qua illa cunctatio; atque, ut est  
sapientiorum mos & sententia,  
circiter annum aetatis decimum,  
tenelli Ecclesiae agni divino aman-  
tissimi Pastoris ac Servatoris sui  
epulo dignentur; ut tanti Sacra-  
menti fructu ipsis proposito ne ca-  
reant; sed potius qui per gratiam  
Sancto Spiritu sunt animati, di-  
vinam



P R A E F A T I O. 9

vinam illam Filiorum Dei vi-  
tam divino cibo foveant atque  
sustineant.

Vos igitur eorum altores educa-  
toresque, operam date, ut praecla-  
rè instituti ad regiam Christi  
Mensam, quò vocantur, acce-  
dant. Vos tanto Principi, in istis  
pensionibus, idoneum locum ador-  
nate, ut ipse vobis vicissim locum  
in calo paret, ex polliciti sui fide:  
Quod uni ex minimis meis fe-  
cistis, mihi fecistis.

A 5

INSTI.